

山右石刻叢編

山右石刻叢編卷五

賜進士出身張翥等題跋觀鵲石郭知史巡撫山西兼提學政臣孫毓汶等題跋太原府製碑之誤

唐

白鶴觀碑

碑高八尺七寸五分廣三尺八寸三十八行行七十字字
徑八分正書額題大唐潞州長子縣白鶴觀之碑十二字
分書今在
長子縣

蓋聞有明有晦陰陽不測之謂神無始無終言象莫筌之謂
道夫道者不可以形聲察不可以方所□□于□□西隨□
□□□□□□□□□□□□□□□□□□□□□□□□□□
□悅惟忽可得而不可見伏戲之醴氣母肩吾之處太山莫
不體之以為靈因之以成聖□□□□□□□□□□□□□□
□□□□□□□□□□□□□□□□□□□□□□□□□□□□

□□

太上(玄)元□□□□□□□□當玉晨玉帝之尊竦鶴駕

於(玄)州控龍輿於紫府吸風吹露□八景而□□□雪餐

霞□九天而□□□常闢中宮□□□□□□□□□□

□□還魂反魄斯乃被諸簡冊無待一二詳焉故朕北朕帝

先發揮皇極降天族於(玄)牡啓邠基於素皇 聖唐承□

□之遙源襲□雲之遠構□自成而□□□□□□□□□□

□□□隨運崩離生靈版蕩白波以之騰沸黃神於是嘯吟

高祖神堯皇帝指鉞叅墟披圖汶水荷曆數之昌運馭斗極

之驍兵東伐而悲南征北怨正頃維於赤縣□□□於蒼生

四海寵其典□□□□□以高禾□□□□□□□□□□

□

太宗文武聖皇帝誕靈虹渚毓照蛟門體日角以鑿乳稟星
□而出震 神謨電舉 聖略□迴□□天□鳳翔騰紫辰
而龍戰綏旌所拂則方□□化暢□□□□城□□□□
雲而清六合息闢川而晏九瀛重闢窳寓更張禮樂人靈俾
乂品物昭蘇振長策以馭遐荒執□□□移□□□二儀之
燾載並□阡危返兩耀之昭迴□安□□

高宗天皇帝發祥雷澤集祉雲房受綠地之靈符應_玄穹
之景命叶堆繩於石紐契法象於珠衡履翼登□□□□巽
鑑洪範而亭□象耀魄以財成黔首□其□能□□□□擊
壤靈臺偃伯戢蕭斧而思韜鈴雍館尊師敞賢門而興雅頌
道既貞矣時又清矣期已屆焉代□康焉於是高□□財□
□薦祉騁遺風於澤馬驚流水於山□□□門庭□生□□

黃龍入紀朱鴈登歌集五老於星躔朝七神於雪路佞枝膺
草佩綵舒丹連理含芳□階被□□□□□□瓊□□
□□□空浮若月之暉□漢□悲木之禾祥□□□□□青
史之書禎禾靈茅相繼白藏之府掩開梧而設徽迺建木以
疏封蠹蠹鱗衣集中國而襲冠帶□□□駕□□□而□□
□轉一氣於銅儀調四時於玉燭紺轅黛紉□□□□之歡
紅粟□□每獲九秋之稔為而不宰執契比於神功用而不
知鑿井忘於帝力遂乃習禮茅絕告成□□蜀□□□□□
□□平陰而朝萬王於是垂衣衡室布政合宮不言而遵化
聿興無爲而壽域斯泰稽上皇而比德則仁趙九翼之前按
近古而論功則道本六飛之外蔭□天渚□承□□之□□
□□□證識佳□之澤方謂鼠吾駐景長□臨□□□□□

輟鎮浮□而戲廣豈意形嚴鑄鼎湖滃飛珠丹竈之術既
隆白雲之駕俄遠羣方遐密共切朝像之悲萬國□□□□
□□之象


則天大聖皇后稟睿庭山資靈渭浹冠清暉於潤石照茂範
於曾沙將聖多能既明且哲□□□□□□□□□□□□
鉤深智出天人之外□□坤□□以□珠□鏡之輝莫不□
照靈臺同包禮器故能光玉衣之遠慶贊金宸之休徵以偃
月之真儀搢捫天之丕緒思賢屬□□□□□□□□不
懷□聲振於樛木二妃匡舜□慙內輔之功三母翊周並謝
扶成之美孝光四海至性感於神明忠積九重深誠格於穹
昊及峻狼沈景舞鳳興悲攀□□□而□□□□□□□□
受月□頤言肅綜樞機□創業於□□□□□□□□□□□□

□□□□先聖茹慕終天以為裂骨靡軀竟無補於遷拔祈
仙契道庶有益於津梁遂□□綸方廣□□□□□□□
□□□白鶴觀者垂拱二年之所立也□□□□□□□
□晏地安之德方遠雲幕之化惟新因玉府之有餘起琳房
之寶構斯則韓趙之舊境辛馮之故跡□□河□□地□□
城之□□□嶺鎮其西魚陂蕩其北□□□□□□□之
居□□□□路接風郵之影於是揆日晷考星耀設表置臬
授梓掄材敞金殿而排霄闢珠樓而望月翠觀□□□閣霞
□鳥□□□高居法青陽之上府疊□火□□□□□□
□□□氣而為臺放曠瑤琤之地開紫元之靈相啓黃蓋
之真容玉樹瑤林含九韶之妙響藥池花沼□□□之□□
□□□□乘大□而萃止蛻表容曳□上界而來遊可以獻

福□山薦祥稽嶺鎮怡神於寶地永納祐於鄧都垂拱二年
長子縣宰朝散大夫高同營創基宇造立尊容建此豐碑旌
以功德屬高公坐事去官歷載推遷不遑修復伏維

應天皇帝陛下睿圖鼎盛寶命惟新累聖重光上下禔福
神靈滋液中外太和契叶天人膺□符錄功業與黃虞合矩
聲教與日月□□證神睠於涅槃尚勝□於天一能使九龍
七鳳化漸雲居玉洞金巒真凝淨域文物所以極天蟠地生
靈於是謳吟并舞河清海謐□阜時康朝議郎行長子縣令
鄭璫展像授精山主誕□銳器□昆吾之域□樹生□山之
□□玆羅生波濤汨起南宮曳屣北海橫經載德象賢不偕
於弓冶隆家裕蠶靡墜於黃堂純孝□□親□□友漁獵百
氏琢磨六藝修身立志露絮冰清撫俗益人風行草偃卓善

之化更重睹於當今蒲密之規不獨聞於在昔丞白貞諒主
簿辛齊物尉王晟張瑜等並江湖蓄潤飛溢煥彩風格增峻
牆宇難窺思縟卿雲學誦□略含吐官羽□□循良或歷□
仁推或初嬰卞□咸能蹈因緣之閫輿竭營衛之精誠觀主
谷太希上座常齊物監齋任太素練師李知白威儀程遊(玄)
法師韓馴蛻等並業彰善救體應徐生□鴻□之微□行□
□之遶駕道士關興圖韓道宗宋子仙魏(玄)宗萬中仙楊翥
鶴範探(玄)範習莊王羽客等真邃等勁節霜朗清心日暎超
風塵而不維之道德以孤徑通仕耶法□□光隱□□□□



□□□□□□□□□□□□□□□□並依仁踐義蹈禮
鳴謙或筮仕周行或棲閑鄭圃顧循諸已攀日姓以承恩
伏想帝鄉軫天崩而倍愴乃與邑宰鄭公友□□造斯妙
像同立勝緣上奉聖因側申追福日光月光之相照燭仙京
左_①右_②之儀輝煥金闕怡神湛寐似一氣之非遙寓目清
徵□重陽之未_③以為炎涼遞代□明之□□畱□□□□_④
□□□□□□□□圖徽素絮勒美翠瓊何以表懿跡於脩
期紀_⑤功於遠素旻命庸諛俾述聲塵輟課下才式旌高烈
其詞曰

悠哉衆妙邈矣重_⑥察之無象尋之無邊埏埴九地陶鑄三
天北朕皇極權輿帝先於赫宵唐寔惟仙_⑦應運甄海
乘時出震龍躍參理鳳翔□晉□□□□□□□□□□□□

□照握鏡重光凌躡千古牢籠百王朝宗絕域綰紱遐荒仁
高白帝化昔朱襄 元聖纂戎大橫承緒赤方連耀青雲干
呂御□榮河觀□□□□□□□□□□□□□□□□塔□
□雲琴天門座玉日觀泥金壽域方秦悲泉遽沈慕凝蒼野
哀纏穀林 穆穆坤元泣承 遺託□清月絙化貞雲幕攀
聖九霄崩心五柞□□□□□□□□□□□□□□□□
□□□茲金地式建琳房星列珠柱虹分玉梁去來鶴駕棲
息蜺裳 茂羊具僚家承纓升濟俗百里澆風一變黃綬清
班玄都□彥□崇象設□□□□□□□□□□□□□□□□
□□□□嶺排雲榮浮日彩浦蕩風文烟霞散亂松石糾紛
地裂瑤城道詢黃蓋祥流萬品福資三大金泊耀靈玉□
鎖蓋長勒□於仙石永飛聲於□□

右白鶴觀碑正書在長子城西北無撰書人姓名文有云
垂拱二年長子縣宰高同營創基宇造立尊容建此豐碑
旌以功德屬高公坐事去官厯載推遷不遑修復伏維應
天皇帝陛下睿圖鼎盛寶命維新累聖重光上下禔福又
云行長子縣令鄭璲丞白貞諒主簿辛齊物尉王晟張瑜
等咸能蹈因緣之闢奧竭營衛之精誠觀主谷太希道士
關興圖等顧循諸已攀日姓以承恩伏想帝鄉軫天崩而
倍愴乃與邑宰鄭公等造斯妙像同立勝緣上奉聖因側
申追福云云則碑琢於垂拱年至中宗復辟後始鐫文追
樹蓋無疑碑上截尚完好下截剝蝕大似昭陵諸碑按金
石錄八百八十六唐白鶴觀碑八分書無書撰人姓名中
宗時立無年月卽此碑只正書與分書微異然初唐人字

體本近分書或因額分書致誤均未可知葉九來疑爲兩碑過矣碑見寰宇補碑錄金石錄補通志金石記碑陰未得搨本

大雲寺彌勒重閣碑

碑高三尺七寸廣二尺三寸五分三十四行行六十五字至六十八字不等正書今在猗氏縣仁壽寺

大周大雲寺奉為 聖神皇帝敬造溫縣變碑像一區

大雲寺彌勒重閣碑

前校書郎杜登撰 聖德 頌

前 縣荆師善書

蓋 神功不可得之於有 窮之於 境法本無法
出三界之幽青空則不 乘 妙理其精 無極難筌
天物云云歸根莫曉聖人乃分身百億穰手三千提寶藏而

遐開運香輪而不息。彌。主長懸岳法之堂。兜率而中。予神居之。故能調意馬。心猿。上士勤行慈悲。勸其無住。下人大灾方便。開其與欲。玉豪流彩。遠燭千光。金。遺文旁羅十誦大矣哉。覺不可得而言也。亦而人之奧乎。彌勒重閣者。古老相傳之故。癡白禪寺也。自雲龍代。草木火徂。遷瞻棟宇而烟荒。對階墀而霧積。空梁落構。唯餘鷲雀之居。古壁頽形。無復神仙之氣。國家受而聖之。明命契神道之財。成徵曆數而坐巖廊。用元亨而登寓縣。淳和作化。不忘軒頊之季。揖讓為尊。自得唐虞之代。聖神皇帝以斷鼇立極。執象開元。應黃神而慶。牛媯而受籙。深明因果。方崇釋氏之門。弘濟艱難。自得輪王之稱。東西南北。遠扇玄風。宇宙山川高揚佛。雖如來上聖。自安切利之而而彌勒下生。或憐閭

浮之境時既□矣道又行焉莫不功窮妙□□盡虔心燕室
神堂咸有情而仰首築園精舍並勤誠而報德豈可使生平
福宇而令荒毀者哉時有神部太平寺上座義通河東猗氏
人也糠粃軒冕景行頭陀心惟江水之傍涕下城門之側以
為商人請□□解氍毹童子歸心猶能捧土遂乃勵茲雅俗
建此尊容同脩園塋之因共樹生而之業有經營之志六趣
歸依聞誘誨之言一時廻向復有佛弟子王行師等並勝緣
重德善森資生爰率親朋同開捨施尔其已居顯敞川原秀
麗汾河德水周王出鼎之鄉姑射名山唐帝乘鸞之塋信禪
居之形勝福塋之良緣者也若乃徵梓匠選瓌材居士勞其
七返國人悅其三利牽牛獻石即使成堦駢馬馱錢方來布
坐平臨汗漫直上名堯圖丹出秀之奇□刻鳳雕龍之逸變

危檐曲砌懸夜^④而暴^⑤河鏤檻文軒栴雲根而臨雨足疑
□□之創造若□子之乘來五鳳軒而不逮八龍翥而何仰
金人列坐見光彩於梭中玉女巡遊動容輝於閣上雖復畧
□雙掌壤寶七重梵帝諸而金銀一柱豈同墾而語哉又有
祥芝數莖□於重木□□□橫棟宇而廕開車馬之形指
康莊而欲動色有四時之變香多三秀之奇雖涵德池中何
階等級甘泉宮裏未足楨祥自非有感必通至誠斯召則何
以□茲 聖造旁契神心者焉然以道樹祈攀法橋斯構
瞿曇屬意蓮花開宴坐之居妙淨歸心香水灑經行之處又
於碑上造涅槃變一鋪多羅樹下徒有生成偈行宮中終歸
寂滅俾夫色空為患明假說於三身愛縛成迷示忘情於四
大鄉望文林郎王元敬將仕郎孫愐右玉鈐衛護都府左果

毅都尉上柱國陽善機承務郎守寧我府兵曹參軍趙仁寂
等山河秀氣唐魏高風合素朴之光輝保黃裳之元吉並栖
心淨域方捐有待之身滌靈玄門共坐無憂之樹怯風霜之
峻節恐迫塵容託龍鳳之高碑長懸寶偈雖復八禪寂廓永
離風火之災三變湏臾坐息高深之懼其詞曰

空有為道而人成德蘊在無明藏乎不惻化周萬類功超八
極幽贊生靈發揮玄默隨緣則契有應能通五苦心遠三明
道隆駟馳未息誘誨何窮肅因明主廣扇玄風於赫我

后重安神器龍出河圖龜開洛字道符得一心融不二既啓
千羣還疏十步爰有縉服顧荅皇恩勸率凡士經營法

門同超永夜共闢重昏報德何所勤誠有言遠近桑梓周環
第宅不憚刀鋸無論金帛迴向靈宇追思勝迹築室開基雕

金鏤碧平臨剎雨上出雲雷塋則仙化人為子來金扉○映
珠綴○開緡栢龍躍文亮鳳迴已畢神功旋徵福祐偃蹇重
楸叅差三秀道契生成仁資宇宙心識方絕因緣必就旁稽
匠石遠口雕鐫永出三界長歸四禪岸流為谷海變成田而
長塋久永立碑焉

而檣二季二④二十四○准 制置為大雲寺至三年丑
④十八○准 制廻撥額為仁壽寺

同造碑人 趙志遠 楊文達 陳師有 楊行表 楊泉

劉舍郎 雲騎尉胡公晉 張師昱 馮福仁 前府史

太原王行師 前大州府兵曹叅軍趙嘉賓 錄事樊元超

景龍感 隊舌張志晉 陪戎副尉景仁軌 ④戎府叅

軍趙仁取 姚行褒 楊安都 騎都尉王文端 那待徵

前府史張諍思 陪戎副尉滑思廉 上護軍楊君武

張思玄 隊丞景法意 文林郎王元敬 陪戎校尉楊武

貴 隊丞范玄慶 文林郎周師廊 景師智 雲騎尉李

懷慶 邢智言 上騎都尉張元楷 王玄昉 景思敬

景思徵 王行冲 張公策 楊伏度 帳內趙仁湊 程

獻否 陳法威 景仁則 景智表 已上人等並為七代

父母及見存家口 □□恭為亡父母 趙釗為亡父及見

存母 楊景休為見存父母 孫行敏為見存父母

當寺修造功德主僧思忠

□□言及修基堦施主趙公素乞合家平安

靠邊三行皆模糊不可辨

按碑題前校書郎杜登壇 荆師善行書見通志金石記今

搨本多磨泐碑云聖神皇帝以斷鰲立極執象開元云云

舊唐書則天皇后紀載初元年七月壬午革唐命改國號
爲周改元爲天授乙酉加尊號曰聖神皇帝碑有鄉望文
林郎王元敬將仕郎孫愐右玉鈐衛護都府左果毅都尉
陽善機承務郎守甯戎府兵曹參軍趙仁最等唐會要左
右領軍衛光宅元年改爲左右玉鈐衛神龍元年復新唐
書地理志延州府七甯戎然則仁最延州甯戎府參軍也
今猗氏縣志列唐人物甚略得此可補其闕碑有天授二
年二月二十四日准制置爲大雲寺至三年准制迴換額
爲仁壽寺則天本紀載初元年七月有沙門十八僞撰大
雲經表上之盛言受命之事制頒於天下令諸州各置大
雲寺總度僧千人唐會要天授元年十月二十九日兩京
及天下諸州各置大雲寺一所至開元二十六年六月一

日並改爲開元寺按此寺以換額仁壽故不爲開元所改
碑陰尚刻造碑多人名按碑文闕麗嚴整四傑之遺而專
頌武周革命竟無思唐之語律以名教亦唐室罪人也碑
立天授三年實如意元年

郝貴興造象記

石高一尺一寸四分廣一尺零五分十二
行行十五六字不等正書今在平定州

大周長壽三率歲次甲午五^④甲申朔八^⑤辛卯北都石艾
縣石艾鄉榆交村郝貴興弟善德兄弟二人敬造石像一鋪
上爲金輪皇帝下爲七代先亡俱登政覺興妻邵興息義
客妻褚客息神慶息神福神度興息義靜興女祥兒女阿相
女四娘女六娘德亡妻李後妻万俟息義莫妻孫莫息伏
愛息伏子女伏光德息義勸妻趙德息義貞德女貞辯

女件姬女八娘義客女看娘女看光興姊若兒妹要兒 貴
興 善德兄弟二人合家大小供養佛時

妙像手太谷縣武君感

按此石在平定州從無箸錄之者按大周長壽乃武后年
號記稱金輪皇帝卽后僞號也北都唐之太原郡興王之
地故稱北京石艾縣卽今之平定州境本漢上艾縣也元
和郡縣志廣陽縣屬太原郡後漢屬常山國晉屬樂平郡
後魏改石艾縣屬樂平郡隋開皇三年罷郡改屬遼州大
業三年省遼州後屬并州武德三年又屬遼州六年改屬
受州貞觀八年廢受州後屬并州天寶元年改爲廣陽縣
此在武后時故尚稱石艾縣也縣有鄉五石艾鄉當在五
鄉之一記書月字作㊦日字作㊧蓋當時所造別體僞周

碑碣日俱作①月俱作②日作③月作④惟見此碑

連簡墓志

石高廣皆二尺三寸二十五行
行二十五字行書今在襄垣縣

大周故飛騎尉連府君墓誌銘并序

君諱簡字隆潞汾襄垣人也原夫石襮發於台康魯郡開於
連族周文王之寶衰魯元子之脩緒詳諸史冊可略而言矣
祖 顓齊任并州太原縣令韋絃兩佩擊雄沉鳳之津言乃
雙揮化偃鬪鷄之路父 公隨任汴州博士遷洛州叅軍事
汎詞瀾而孤引挹函杖之清規業與三冬運高十上入季長
之帳篋笥同收窺夫子之牆室家咸覩惟君良弓嗣美隆棟
馳芳下丹穴以摛文洞驪泉而等耀芳游四術貫三大而楊
葩不事彫蟲自有壯夫之節屬三韓舊壤九種遺黎恃⑤玄苑

以稽誅控滄波而作梗君以六郡良家首膺占募百夫勇進
剗鬪先鳴蒙稱飛騎至隨班例也於是心高一抬體木雁於
生涯三樂當歌達勞休於彼分白雲齊水幾留翫於青谿黃
肆陳逖遽辭歡於窀穸去永昌元季八⑤廿⑥寢疾終于家
館春秋六十有六夫人張氏南陽西嶠人也票訓閨儀承規
閭則嗣紅姝而挺質資洛媛以凝神舉案之禮聿脩鼓盆之
化俄及延廩元季八⑤七⑥卒於私室粵以天冊萬歲二季
歲次景申壹④甲辰朔六⑤己酉合葬於襄垣縣西一十五
里純孝鄉之第于原禮也嗣子哀纏陟帖痛切藜藿恐寒來
之暑往陵谷之變遷勒哲人出膝躅庶不泯於千季迺為詞
曰

君禮之苗文王帝子德一隆基通三命氏魯郡浮禎連休廬

沁冠冕相望簪裾曳履

其一

惟君梨生立志縱橫神雄占

募戰鬪先鳴琴樽賞逸風

其二

陶情未終三樂俄奠兩楹

去旆飄浮悲歌慘切素車徐軫靈輜儼轍叁隴北荒兩河

西絕松檟風烟霜瑩湛

其三

質凝懋德忝娥口列靈岫

乘雲仙波委雪貫霧分姿眉齊禮節斯媛猗歟玉嬪照晰

其四

弓忽頽箭川復急蘭室罷生蒿里遊集春鳥朝啼秋

霜夜泣歎茲憤樹北風欠口

其五

按通志金石記引襄垣縣志石於道光初出土縣令張力

卓仍封於墓而別立碑其上碑略云連簡字隆暨與妻張

氏同穴石首行題大周故飛騎尉連府君墓志銘其序十

六行銘七行文沿六朝餘習字兼篆草行三體其載年月

日等字武后所製唐武散官飛騎尉秩從六品君以征高

麗功得補斯職序稱六郡良家首應占募與貞觀十九年克遼城詔率五陵之勁卒董六郡之良家合卒於永昌元年實中宗嗣聖六年明年九月武后稱皇帝改元天授國號周飛騎不及見耳葬於天冊萬歲二年景申一月天冊萬歲次年卽萬歲通天元年春時尚未改也丙作景猶避唐諱武后以十一月爲正月故以正月爲一月

以上節錄通志金石

記

按碑今搨本有訛闕者宜据縣志補連君卒於永昌元

年去貞觀十九年凡四十餘年以史考之高宗永徽六年遣程名振伐高麗顯慶五年蘇定方伐高麗降之龍朔元年任雅相等伐高麗三年孫仁師拔百濟總章元年李勣平高麗其用兵於東夷皆在貞觀後三韓者謂馬韓辰韓弁韓唐高麗百濟分得其地金石記謂連君以貞觀得勳

者亦臆度詞耳

縣志石刻在縣城西十五里其東三里桃園元集賢學士連肇墓又東二里東鎮明

建文御史連樞墓肇祀鄉賢樞祀忠義按志又謂連族環居衣衿尤眾然則連簡者固未始非襄垣諸連之祖縣志又云徵志詞之信尤欣古冢之完僕而勒石俾連氏子孫共勉爲忠孝則其用意亦良可尚矣

常舉墓志

石高廣皆一尺三寸二分十六行行十六字正書今在屯留縣

大周故處士常君墓誌之銘

君諱舉字血德屯留人也遠祖搆公之後祖江齊任相州司戶叅軍父貴任輕車都尉昔黃龍啓圖命族因於玖鳳玄珪錫瑞祚土基於萬園威秦跨趙擅美於常山藉魏陵吳珪璋於井路惟祖惟父衣冠不墮乃文乃武實謂兼資弈葉重柯縉紳無口惟公桂苑騰芬機神俊逸該綜強仕忠信表於州閭孝敬之道光於堂塾至於秋⑤臨池春花逆樹琴觴自

翫僚友相趁故得姓於園乃忘言於纓冕歎川不息閱水
難追今以季玖拾叁蒙授德州縣令以萬歲通弁元季薨於
私第惟夫人張楊二族並以季登耳順早已勝霞質操姬姜
先從窀穸遂合葬於屯留驛北壹里之平原禮也其詞曰
美哉洪緒大風震慶□源長發昌暉孤映潛組□□□□□
□

按屯留縣志石於同治年出縣西十里魏村通志金石記
卒葬屯留驛北一里然則今魏村在唐時固置驛矣又縣
志此碑數目字無不改書其餘國日授天年所改書字皆
武后新製者按碑云祖江齊相州司戶參軍父貴輕車都
尉可補志乘之闕其云處士以年九十三蒙授德州縣令
以翰苑集平朱泚後還京大赦制考之有云京兆府耆壽

年八十已上並與板授刺史仍賜紫八十已下及諸州府
耆壽年八十已上並與板授縣令仍賜緋常君所授者必
板授之縣令武氏纂唐累大赦制文宜有此條所謂章服
之榮不涖官者也常君屯留人年九十三正制文云諸州府耆壽八十以上者縣志唐
處士常舉墓在縣西十里魏村碑見通志金石記

崇福寺經幢

幢八面高二尺八寸每面廣六寸九行行五十
五字至六十三字不等今在壽陽縣平舒村

佛頂尊勝陀羅尼經

文不錄

大唐神功元年三月二十八日崇福寺內建立陀羅尼幢壹
座 住持僧洪深 門人真元 真义

按通志金石記僞周革命至是八年當時碑版紀年亦或
不書大周字然未有仍係以唐者果有之真大義事亦大

奇事也按今搨本確作大唐神功元年三月二十八日可
以釋通志之疑惟舊書本紀萬歲通天二年九月以契丹
李盡滅等平大赦天下改元爲神功又次年正月卽改元
聖歷則神功元年不得有三月是可疑耳

姬素墓志

石高一尺一寸八分廣一尺二寸四分
十六行行十五字正書今在屯留縣

周政府君墓誌之銘

君諱素軒帝之苗裔姬王之弟胄曾祖留隨任廣州錄事祖
席隨任徐州司法考瑋唐榆朝散大夫並思逸麟經精超豹
畧操刀就列利器從班暢東里之威恩舊面門之風彩公毓
德中和資霑上善霜華燥性氣掩秋輝露彩凝清神光春艷
詞林蕊蒨絢楊鳳於文條筆海深沉渙董蛟於辯窟然志輕

軒冕性重林泉也風雨相趁琴樽自得豈謂服袂斯漸豎豎
逾侵以壑曆二季二匝十六○卒於私第春秋八十有一其
季三匝十七○葬於村西北一里平原禮也嗣子德靜痛貫
風枝悲纏露序恐斑峯重曜碧海塵飛庶勒遺芳乃為銘○
驚岫西峙龜川東鎖仁敷動植道□翔詠

按屯留縣志石於道光中出姬村西北里許石佛溝志不
書姓據村名知為姬志中聖作壑月作匝曰作○並武后
新製字秩年等字同其別體書如器作霑痛作痛魚作重
皆奇餘如席囊等字亦非今體又縣志唐處士姬素墓在
縣東北二十里姬村按碑言曾祖留隨廣州錄事祖虎隨
徐州司法考瑋唐朝散大夫皆可為搜羅晉故者之助世
稱隋文帝惡隨從走故省作隋通鑑注曾譏之隨時碑碣

仍隋隨並見唐人尤所不拘此碑正作隨

唐王德碑作隨王脩福碑同

碑內多作奇字與常處士碑相仿常君卒於武周萬歲通天元年姬君卒聖歷二年皆在武氏稱帝時武氏好作新字故常碑及此碑自武氏製字外亦多非正書所謂上有好之下必有甚焉者或武氏所改字不止見於史所記者亦未可知志內驚岫龜川亦爲考唐屯留地名者所宜審通志金石記舊西門之風彩舊誤作舊性重林泉下多一也字今搨本同碑見通志金石記

棲巖寺詩碣並記

石高三尺八寸廣三尺七寸三十五行行三十八字正書今在蒲州府東南十五里

五言過栖巖寺

御製

河東縣文林郎韓懷信書

檢校書將仕郎趙垂棘

旋驪登雪嶺飛旆駐香城路盤高下騎峯迴
出沒旌雲以縫潤戶霞綺織山楹颺剝移虹影
携風引梵聲岫馥鑪煙合巖懸疊溜縈空結
籠檐網虛谷響臺鈴口野千叢暗長河一帶
明散望禪林外方弘拯溺情

咸亨三季十一回八

五言過栖巖寺

鳳閣侍郎同鳳閣鸞臺平章事姚元崇

鸞巖高不極延睇俯何宮城郭千季在煙雲
萬里通坐忘榮與利行悟口將心願假慈悲
悲力微資燮理功

五言

奉和前朝議郎行左臺監察御史攝官尹司直韋

元旦

巖突金銀臺登攀信美哉
白林叢万壑珠綴結三台
應物盡標勝真心無去來
鑿明巾鐵柱長欲助鹽梅

六絕紀文

宣德郎行蒲州河東縣主簿韋元晨撰

大周長安二季歲壬寅王
岳匡皇帝以東征西怨迺
睽秦京萬方輯睦蒸生胥
悅矣然近監之利濟時攸
急所以親紆睿詰俾乂王
而蒲州有鹽池者自昔潤
下之源也壑鄰垂棘与出
口而崇珎都連故絳將流
澮而分惡樵渾黃海為其
沃利青光紫氣成之體色
往属夏潦秋汗一變二紀
近承
告頻降赤車兼命良工規
其要害鑿江使輒於秦守
漕渭且移於鄭園而樂成
之議著自與王慮始之難
月於

帝既望重

制令鳳閣侍郎同鳳閣鸞臺平章事姚公馳駟按決暫下三
台親紆駟馬稽其繩具之準較其繁省之機龍泉克斷虎疑
俱螫鹽梅且調於傅縶風雨咸若於虞□則知長□南瀉必
資舟楫之功雄藩左鎮高推股肱之力經始云畢乃旋靶登
于棲巖之寺焉此寺昔達禪□□□居隨文皇□所創尔其
遠圖兜率傍割嶠閣震逼於湏弥之上蹴蹋於崑崙之表頁
披萬谷壑□□□□而之□觀安寶基之官塔幽隱洞戶
脩曲勢而迂迴促榭長廊而高標而起伏橫飛鸞宇□翥鷹
堂列剝□□□晴虹之向飲懸泉瀑布疑仙衣之下梯繡礎
溫而晝烜藻棟明而春曙信域□之壯觀豈△川之獨美也
蒲州刺史鬱林公隴西李千里紱綬金章乘軺建節惠露霑於

畿服仁風□於僚庶時亦飲冰銜命叅厥成功籍美青祇未
朱赤水乃請姚公筆不加點而情見乎詞文義憤□興引弘
遠鸞□鳳翥聞五綵以成章宮飛角動詞六律而生韻至若
上假慈悲將憑變理忠誠通□觸緒丹赤見□微詞可謂因
王之大忠□釋之繁棟其所緝載列之於右左史尹元凱工
於八體□稱二妙同奉□忠因而題紀俄而姚公按□返轡
皇帝賜之詩曰依依柳色變虞虞春風起借問向鹽池何如
遊澹水姚公荅

制曰歸來朝帝□忽之釣而響懸

知澹水遊絕勝汾川賞自非君忠至義宰輔惟賢豈能俯
而藻親垂□□實謂□常之事希代之跡歟時有達識者稱
之曰棲巖寺形勝佛境之絕也姚中書學行至才之絕也言
詩合作文章之絕也密勿紆蕃黃亮之絕也左史翰簡蠹篆

之絕也歸而

□詞光錫隆寵之絕也眷言六絕高此一行將以道壓士林
聲趙文苑□矣晨也胤勞州縣未隔輿臺言撤器於晉卿非
掃門於漢相雖施祥敏辭府君不接以幾筵趙堯刀筆大夫
將輕為吏耳忝承高韻奔伏下塵疏其六絕刻之于石

永樂縣管繕監長上楊惠慶鐫

按碑前刻五言過棲巖寺御製河東縣文林郎韓懷信書
檢校書將仕郎趙垂棘後署咸亨三年十一月八日年月
日皆作武后製字舊唐書高宗本紀咸亨二年正月乙巳
幸東都三年十月壬戌車駕還京師十一月甲辰至東都
以此碑證之則高宗由洛取道蒲州至京也懷信書見趙
明誠金石錄又刻鳳閣侍郎同鳳閣鸞臺平章事姚元崇

五言奉和前朝議郎行左臺監察御史攝宮尹司直韋元
旦唐書宰相表聖歷元年十月癸卯夏官侍郎姚元崇同
鳳閣鸞臺平章長安元年三月己卯元崇爲鳳閣侍郎六
月庚申兼知夏官尚書事二年十月甲寅同鳳閣鸞臺平
章事四年六月辛酉能爲相王府長史宰相世系表韋氏
有元旦中書舍人

競孫巨山子

舊唐書光宅元年九月改門下

省爲鸞臺中書省爲鳳閣御史臺改爲左肅政臺專知京
百官及監諸軍旅并承詔出使詹事府爲宮尹府神龍元
年二月官名並依永淳以前故事碑立長安二年此碑元
崇官暨官名並與史合後刻六絕紀文題宣德郎行蒲州
河東縣主簿韋元晨撰宰相世系表元晨元旦弟殿中侍
御史碑言大周長安二年歲壬寅王正月皇帝以東征西

怨乃睠秦京此指武后還長安事舊唐書本紀大足元年

十月幸京師大赦天下改元長安碑撰次年正月故知卽

其事

按武后多居東都本紀曰神都是年幸京師三年十月復還神都居東久故曰東征西怨碑又云

蒲州鹽池擁渾黃海爲其沃利青光紫氣成之豔色往屬

夏潦秋汗一變二紀此指武后朝鹽池壞事唐文粹梁肅

鹽池記當武后聖政務述省方鳴鸞載臨流潦旋敗泊皇

明道發澤漸殊垠天之旣啟鹽乃旋復非夫蟠糾神應坤

次靈孕亦何能旌昏明籌勝負乎萃編唐崔敖靈慶公神

祠頌有曰中宗返政崇朝而復鹹皆指謂武后朝鹽池壞

事可與此碑相參證碑云近承

闕

頻降赤車兼命良工規

其要害又云月旣望重制令鳳閣侍郎同鳳閣鸞臺平章

事姚公馳駟按決親紆駟馬稽其繩直之準較其繁省之

機經始云畢乃旋登於棲巖之寺此長安二年正月武后
命元崇按視鹽池之證可補史闕其曰蒲州刺史鬱林公
隴西李千里紫綬金章乘輅建節飲冰銜命參厥成功者
以舊唐書吳王恪傳考之子仁封爲鬱林縣侯永昌元年
授襄州刺史後改名千里天授後歷唐廬許蒲州刺史長
安三年充嶺南安撫招討使此碑立長安二年在爲嶺南
按撫前
正千里刺蒲時其曰左史尹元凱工於八體闕稱二妙者
舊唐書文苑傳尹元凱瀛州樂壽人初爲磁州司倉坐事
免棲遲山林不求仕進者三十年徵拜右補闕卒并州司
馬不言爲右史職官志光宅元年改起居舍人爲右史亦
武后朝官名碑云俄而姚公返轡皇帝賜之詩姚公咨制
校應制奉和唐武后中宗睿宗元宗四朝特盛見文苑英

華者可證新唐書韋元旦傳京兆萬年人祖澄世系表作
競元旦擢進士補東阿尉遷左臺監察御史與碑題官合
傳云與張易之有姻易之敗貶俄召爲主客員外郎遷中
書舍人與世系表合通志金石記元晨以崇學行文章政
事爲三絕又以棲巖名勝元凱名筆合朝廷之寵遇爲六
絕崇按視鹽池本傳不載此文亦可備名臣軼事金石錄
八百二十七周棲巖寺詩注高宗則天撰韓懷信正書長
安二年以前刻高宗六絕文
內有武后賜詩故云與今搨本同

○元素爲男山僧乞壽記

碑高二尺廣一尺五分六行行字
不一字徑七分正書今在鳳臺縣

神龍二年歲次景午戴月

□□□□□男□□□妻□男山僧等

比問良師長父母卞□□今之石像始得長壽

山僧等前身傳福今日□望得長命更莫

貴男□祖勝□即如金剛象□敬特□令得

長命保人李老子等一百歲

此碑得自廩肆爲仁和韓小亭觀察搨本手書籤云

闕元

素爲男山僧乞壽記山西鳳臺字跡潦草不盡可識

闕元

素三字未見語句亦極鄙俚似爲男山僧造象乞長壽而
作因其爲神龍年物存之他書未著錄

申屠行墓志

石高廣皆一尺五寸二分二十二
行行二十二字行書今在潞城縣

唐故潞州潞城縣申屠君墓誌銘

君諱行字子表金城人也因官宅此土今爲縣人焉原夫五

軍鑒曜紀天冊於丹鷄九野分司凝地官於（玄）鷄道符餘慶
登鳳閣以叅榮精洽遺祥陟龍門而驤首青編嗣美絢簡連
暉玉粹金昭可略言矣曾祖和鷹門郡太守奉鎮狼山控長
城之萬里宣威蟻穴讐紫塞之千重故得猗約歸仁薰胡草
響祖儒朝散大夫別勅授本州刺史宵燁入玆蜚姬興五袴
之謠（）趨疇田僊發兩岐之詠父綿朝散大夫英精槩日鯁
節陵秋兩寶雙全一堯獨潔君量苞山水器韞冲和千尋侔
□桂之條百丈越嵇松之幹陸鴻斯漸有志旨南勅授騎尉
非其望也瑶真銑荃遠邁昔人石折蘭摧獨傷茲日春秋七
十有二邁疾終於私第夫人崔氏大夫豹之猶子也燁輝洛
媛擢質江姝作娣姒之司南為母儀之嬪則桂霄輪魄仙娥之影
不追雲□沉菱神媛之儀遽謝粵以景龍三年歲次己酉十二

月癸□朔二日甲申合葬於潞城縣西南一十五里平原禮也左連王嶠祥雲屯紫蓋之峯右接清漳瑞鮪戲瑤潭之浪前瞰神羊之岫五龍通鳥道之川却眺仙母之峯雙鳳響鷄辭之谷嗣子(玄)英等哀纏慕迺氣殞菹裳感墜露以崩心踐霜庭而灑血勒翠(琰)於荒煙庶傳徽於地岳

其詞曰

丹鳳表瑞(玄)鵲來遊瓊冠不墜遇襲璣球

其一

清潭千里長河

一曲晉野䟽基秦山共礪

其二

按通志金石記引縣志墓石於道光中出土今按碑云君諱行字子表金城人與申屠輝光墓志前時列土封塋謂曰金城人合張樹姓氏尋源云周申侯之後支子居安定屠原因以爲氏太平寰宇記唐貞觀所定涼州西平郡六姓有申屠氏金城卽涼州申屠本州之望族也碑又云曾

祖和鴈門太守祖儒本州刺史父縣朝散大夫皆不著朝
代以史考之和爲鴈門當在元魏齊時儒授本州當在周
隋夫人崔氏大夫豹之猶子唐書宰相世系表崔蔚字文
豹未知卽其人否後云左連王嶠祥雲屯紫蓋之峯右接
清漳瑞鮪戲碧潭之浪前瞰神羊之岫五龍通鳥道之川
卻眺仙母之峯雙鳳響雞辭之谷方輿紀要平順縣今爲鄉隸
城紫團山其山高聳昔嘗有紫氣見山頂團圓如蓋因名
黎城縣有清漳水長子縣下引後魏風土記縣東南六十
五里有羊頭山下有神農泉長治縣志有五龍山潞城縣
志西北有鳳凰山皆可與志文相參證又申屠輝光墓亦
在今潞城合而驗之則潞城申屠在唐時爲宦族惜舊文
零落無從細考耳又太平寰宇記後周建德七年始置潞

州隋改韓州大業元年爲上黨郡此又儒授本州當在周
隋之證也志云君春秋七十二又云以景龍三年合葬是
君之卒在景龍前由景龍而上溯七十餘年已在貞觀十
餘年則君之生爲唐初無疑志所列祖官非唐可決碑見
通志金石記

劉君幡竿銘

石高三尺一寸五分廣一尺九寸一分二十二行
行三十四字正書今在虞鄉縣南三里石佛寺

大唐蒲州虞鄉縣令劉君幡竿銘

并序

朝議郎行虞鄉縣令劉行忠

粵我皇唐之經六合摠萬方撫綠圖尊紫極九十有八年
矣實用進忠直黜佞邪尚有功任有德一臻斯道而天下密
如雖堯舜之治禹湯之政對而爲語誠固何慙然以股肱要

□物務殷綜俾將撫字寔異惟良任難其人博選髦傑則有
我 劉公首膺榮命□□ 天心詢事考言 帝俞

則寄牽朱絲而就職擁墨綬以臨人察察焉兢兢焉允光

明王之舉也故嘗以德惟善政政在養人言念孤弱殆將
流涕於是設教敷化寬獄緩刑黜吏移心凶渠束手誨我子
弟植我田疇庶績其凝人用肯悅加以蹲踞晚酌息前庭之
訟端琴弄宵閑坐北堂之微月則使雙童螢妾咸曰來蘇杖
老耕夫僉謀再偕然公以志崇玄寂契入道真悟法性空不
生不滅解如來意無我無人則鍾鼎非度世之資軒裳豈出
塵之具方欲潔誠洗憲高致清靈解帶抽簪遺累天壤迺削
絃祿俸發此淨心敬樹幡竿於栢梯山寺之西南岑也錯綜
繒綺雕飾梓材匠人盡斧斤之奇女工窮縵繡之妙規模逾

逸今古莫儔迫而察之有若神化然則前臨峻嶓北負平原
崢嶸萬仞蕭條千里風生牝谷韻清響於禪林瀾入猴池靜
涓流於定水長蘿絰日層峯擁雲幽溪不春邃壑無景殊形
詭狀不可殫論信山岳之神秀靈仙之所窟宅然僕識度褊
淺材行庸踈式踐文場猶迷閫闕初航學海未辯波潮好事
必旌常有其志□栢梯寺都維那法泰上人為予傳之偉其
事蹟目雖覩耳所懸聞粉墨抽毫式銘景福其詞曰

於赫有唐紹統三光功侔往帝名超上皇四海無外率土賔

王克明俊德俗阜人康

其一

英英

劉公恪從榮秩臣道斯備

黃裳元吉取則韋絃性兼舒疾人吏宗仰愛猶冬日

其二

思絕

鍾鼎契入幽真念茲舍識幾慟心神廼眷南顧廣樹冥因華

幡孀日雕竿倚雲

其三

直侵黃道迥瞰紫微晴虹偶影度鳥驚

飛庄嚴孔備功德巍巍配山河兮永固與天地而同歸

上坐崇簡

寺主彥琮

開元三年歲次乙卯正月甲申朔廿八日辛亥畢功

按碑金石萃編已著錄太平寰宇記蒲州虞鄉縣壇道山在城西南一十三里一名百梯山其頂方平如壇多產良藥百梯方可升故曰百梯山今虞鄉縣志百梯寺下有百梯村或曰舊山多柏故變百言柏卽碑所言之柏梯山寺劉行忠唐書無傳碑中稱頌政化之美固亦諛邑令者之恆詞然以碑文所述言念孤弱殆將流涕尚德緩刑數語觀之行忠爲令必慈仁可知新舊書傳循良罕及縣令今得此碑可補其闕碑又云前臨峻嶠北負平原崢嶸萬仞

還壑無景與今縣志所列百梯山之形勝相合通志金石
記碑標目劉君幡竿銘下有朝議郎行虔鄉縣令劉行忠
十一字萃編謂不著其名蓋所得搨本偶遺之又按縣志
石佛寺在縣南三里卽後周保定二年敕建之百梯寺明
萬厯六年重修唐司空表聖有百梯寺懷舊僧詩邑令劉
公行忠有幡竿銘撰文者碑闕其名又按縣志還壑無碑
景作還壑無景誤
見寰宇訪碑錄平津讀碑記通志金石記

王德墓志

石高廣皆一尺五寸二分十九
行行十九字正書今在屯留縣

大唐故王君墓誌銘

并序

君諱德并州太原人也因官述職遂為上黨郡□原夫駕
仙宗朝鳧靈裔臨危聳轡忠孝可標見難拔軀恭友所感鳴

鍾鼎食煥乎圖史曾祖諱茂材搆廊廟器溫珠玉隨朝通議
大夫行并州晉陽縣令祖諱觀黃金一諾白珪三覆唐朝正
議大夫行沁州司馬父諱買風神霜骨就書翫道先朝文林
郎吏部常選唐朝任潞州市丞惟君不藏無益之器不用非
常之寶蔑軒冕重琴書春秋五十卒於私弟夫人張氏白水
開源清河引派藍田麗玉鬱浦華珠豈謂月落仙娥星流神
婺以開元三年歲次乙卯十月己酉朔廿四日壬申塋於屯
留縣西南十五里平原禮也其地即韓王拔劍先都夏主乘
標舊邑東瞻驛路使皎珠星西望禪河波澄金月平原南望
極目三春絳水北臨朝宗萬里嗣子胡子等孝性純深攀號
悲慕既甬松楸奉遷靈樞□陵谷之質遷銘徽猷於琬琰乃
為銘曰

緱山駕鶴鄴縣乘鳧臨危□□見難投軀乃文乃□□□

□□□代謝日月居諸

按屯留縣志石於嘉慶年出縣西南十五里長溝嶺東瞻

驛路卽余吾驛又縣志唐處士常君墓志遂合葬於屯留

驛北十里之平原卽此志所云之驛路

縣志古蹟屯留驛在縣西十里卽今

之高店村有舊墟尚存

通志金石記碑文上黨郡下閼人字駕仙宗

句脫鶴字會祖茂隋行并州晉陽縣令祖觀唐行沁州司

馬唐書世系表皆無其云父先朝文林郎吏部常選唐朝

任潞州市丞唐制州設市丞一人下州省百官志潞州爲

上州都督府則有令有丞其父蓋在武后時以流外官注

選中宗復辟後乃授官

通志以唐碑志內所言允朝皆指謂武氏之周

又縣志處

士王德墓在縣西南十五里長溝嶺按碑曰因官述職遂

爲上黨郡人指謂德父爲潞州市丞卽居於潞也碑所列
晉陽令茂沁州司馬觀皆可補今志乘之闕志文清麗亦
初唐格調敘述簡潔勝彭珍志文多矣按隋大業三年并
州改太原郡此言并州晉陽令則茂爲晉陽當在大業三
年前碑見通志金石記

胡佺墓志

碑從裝本錄出尺寸行數無稽今藏介休縣狐村郭姓家

大唐處士胡君墓誌

并序

君諱佺字尚真安定人也遠祖因宦遂居介休夫棧椽是佐
錯胡綜之文章清白知名見胡威之父子光允懿烈不替先
風簡諫詳諸可略言矣祖買隋孝廉舉文林郎幼洽詩書長
崇禮樂太初玉樹夙擢嘉聲韋氏金簾邁昇高弟父端養素

不仕情貪野薛志箴表裳道王聖琴跡存山水君濯濯儀形
汪汪軌度珠胎孕月光彩絕倫蘭若街風幽芳自遠鄉里稱
善喻彼少游文籍自娛同夫孟陋遺累鄧滓傲性煙霄簪軒
不外於懷寵辱不驚其慮歲臨辰已鄭康成於是云亡月犯
少微謝慶緒俄而致殞春秋七十卒於私第夫人石氏穠荷
比秀美箭齊貞宜其室家和如琴瑟翰林之鳥始雙飛而隻
飛龍門之桐俄半生而半死嗣子懷爽懷玉岵岵長違霜露
增感粵以開元三年歲次乙卯龍集卑閏十月己酉朔二十
五日癸酉遷窆於介休縣東二十里平原禮也縣上山傍昭
餘澤右懼陵谷而驟易思封樹而永懷乃為銘曰

盤根安定散葉汾壖乃祖乃父光後光前惟君節槩業尚虛

玄鬼瞰庭宇鳥鳴座筵不逢石髓俄歸玉泉一閤聖隴長嗟

浙川

校金石萃編文敘胡氏先世曰棖椽是佐錯胡綜之文章
清白知名見胡威之父子三國志吳書胡綜傳綜字汝則
汝南固始人也仕吳主權時凡自權統事諸文詁策命鄰
國符略皆綜之所造也傳後評曰是儀徐詳胡綜皆孫權
之時幹興事業者也儀清恪貞素詳數通使命綜文采才
用各見信任辟之廣廈其棖椽之佐晉書胡威傳威字伯
武壽春人質子父子俱以清慎聞其云祖買父端則無傳
可攷又介休縣志東狐村乾隆中郭姓掘地得志今村距
城二十里與志文合當年胡姓聚族於此不知何時誤作
狐胡君似亦碌碌無奇跡滄桑幾變族姓蕩然而胡君獨
藉片石存姓名於千載之後使鴻儒碩士慨歎流連孰謂

埋幽之文無足重輕也哉寰宇訪碑錄載其目古志石華則全載其文碑見寰宇訪碑錄平津館讀碑記通志金石記

盧金友造象記

座高一寸九分文刻四面前後面廣六寸七分各十行側厚四寸五分各七行行均三字正書今藏洪瑞姓家

大唐開元五年歲次丁巳六月己巳朔絳州司馬盧金友為亡妻故口臧縣人李氏此月廿二日初忌敬造阿彌陀像一軀口功德唯願亡夫人逍遙五淨安處四禪司馬公及即君娘子等壽天地而俱長福山河而等固又乘此善普及衆生迴向菩提證真常樂

按碑刻大唐開元五年歲次丁巳六月己巳絳州司馬盧金友為亡妻故臧縣人李氏云云唐書宰相世系表盧

氏大房刑部員外郎莊道子金友水部員外郎滁州刺史
與碑姓名並同當卽其人又世系表李氏有姑臧房地理
志涼州領縣有姑臧則臧字上關者姑字也絳州志唐絳
州司馬無金友可据碑補又御史臺精舍題名有監察御
史盧金友在盧怡後二人

移置唐興寺碑

碑高五尺三寸廣二尺六寸三分二十三
行行四十八字分書今在聞喜縣上東鎮

大唐朝議大夫行聞喜縣令上柱國臨淄縣開國男于君請
移置 唐興寺碑 并序

殿中侍御史判職方員外郎高陽許景先撰

觀道寺主僧師口書

先萬物者始道德為宗窮言象者以乾坤為大豈若道洽沙

界盤古無以化其跡功包鐵圍隸首不能紀其要前後際斷
衆妙入於真乘色相皆空定慧生於正覺言之不極其波若
之蘊乎聞喜唐興寺者我國家草昧之所置也時囊弓矢締
構龍宮聖王親於方丈運寶圖於羅衛將祛八難式護四禪
乃於西山建斯精舍布金幽逕樹福璇衡經始險蹊人跡罕
到雖三空屢說給園之衆不俱八解常流方廣之途尚阻毗
俗常迷於夢幻聚落不聞□□□□使十地空存四生無拯
爰初構趾數十百年舊令因循不改其制長者居士既渴日
於寶坊清信比聖徒挈餅於諦議時縣令朝議大夫東海于
公名光庭即銀青光祿大夫瀛州刺史東海郡公士俊之孫
金紫光祿大夫中書侍郎同中書門下三品東海憲公之第
五子也承五鼎之華胄稟三辰之粹精陰德未沫亢宗有後

在躬而禮義克舉餘力而文章見稱好學多能以為入官之
具清慎寡欲弥見在公之心由也四科參乎一貫理必合於
投刃事無遺於下轄故能變蟋蟀之風展蒲盧之化始鄉邊
而脩里我有昌言終里還而脩家人無遺善此其操刀有裕
彈琴自閑亦既底於王程又將崇於佛事為蒲之所不及理
鄴之所未行加以識洞真局智融覺鍵伏忍於三昧懸解於
六通身若明珠淨無瑕穢心猶平地能生衆善且循調御時
現宰官精三異之妙術敷六度之津要由是歷請天府將徙
梵宮雙樹移堅固之林八座改耆闍之岫金山赫赫與紫殿
而飛來紺宇眈眈化青樓而涌出城池故絳井邑新田士女
溢於康莊象馬闐於里閭一一香蓋懸寶縷之幢種種天花
散金燈之地得未曾有聞所未聞方將洗貪欲之腸腎開盲

聾之耳目納須弥於小芥詎是難思置海水於虛空未為希
有僉以法雲西蕃佛日有部家之昧今智炬東摧迷途昭牽
復之象豈非如來滅後將有住持時夏縣威神寺法師俗姓
張法名忽肆其先衣冠出南陽精持律儀薰脩戒行德超於
四果理貫於三伊大道未行同孔之之歷聘衆生有病等鑒
王之授手遂乘杯漣漑振錫兆亭扶聾俗於愛河誘焚如於
火宅示方便品導波若流亡羊於九部之津去馬於三乘之
際莫不爭持寶蓋競解□□耨池之棟宇為苦海之舟航
起予者商繫我明宰時縣丞清河張佑仁主簿弘農楊浩尉
太原王臨尉太原王銑等並珣璣名器鸞皇勁翮才無滯用
政有異聲鄉三老進而言曰今敦禮勸農嘉惠也樹法拯人
深慈也我宰君善化前古罕儔豈使浚儀豐碑空銘景行龍

宮後偈獨闕微言載勒堅金永傳沙界銘曰

佛言能淨一刹土是謂世間良福田今我莊嚴招提宇度脫功德海無邊猶如法雲覆羣品亦如佛日在中天皆是宰官惠明德羣毗安樂離苦緣樹碑紀功永不朽銖衣拂石億萬年

開元六年歲次戊午九月壬辰朔二日癸巳建

按此碑金石萃編云唐興寺據碑文寺爲唐初所建在西山人跡罕到至開元初于光庭爲縣令乃移建於大道旁而立此碑以紀縣令之功德也山西通志間喜縣寺觀條下不載唐興寺今以碑文有唐興寺者我國家草昧之所置也一語參之通志惟載有鐵牛峪寺云在鐵牛峪西神僧餉兵處相傳太宗行軍至美陽鄉乏糧寺僧智旻以沙

鍋煮飯餉軍胥獲飽及卽位勅建廣教寺以報之又云廣教寺在縣南二十里寺頭村土人名沙渠寺相傳唐太宗勅建併鐵牛寺入焉又於山川條下載鐵牛峪云在縣南三十里相傳有鐵牛流峪中水峪有興國寺頗疑興國寺卽唐興寺所改而其初舊額卽鐵牛峪寺與廣教寺也年代寢遠名跡俱湮不能確指其所在矣縣令于光庭爲東海郡公士俊之孫東海憲公弟五子兩唐書俱無傳今按聞喜縣志補寺在宋時改爲保甯院今復故名山西舊志於保甯院但云唐開元六年建而不詳其爲唐興寺之改名遂啟王氏之疑誤合廣教興國諸寺爲一也唐隸自明皇力趨妍媚漢法蕩然此碑書於開元而不落時習筆法清勁如折刀頭猶是中郎之虎賁也碑文遺詞拉雜忽而

釋典忽而魯論比擬至爲不倫轉不如段柯古之專据釋
典猶爲奇與大唐新語載張說嘗與徐堅評許景先文云
有如豐肌膩體雖穠華可愛而乏風骨知言哉若在此文
則尚不得爲穠華也平津讀碑記元和姓纂唐延州刺史
子俊生惟謙兵部侍郎平章事生光宰光弼光嗣子俊卽
士俊之譌東海憲公卽惟謙惟謙五子姓纂止載其三故
無光庭名舊唐書本紀神龍二年正月戊戌中書侍郎于
惟謙同中書門下平章事九月丁酉中書侍郎東海郡公
于惟謙國子祭酒罷知政事惟謙亦見新宰相表唐會要
又全唐文蘇頲有授于光庭聞喜令制碑見寰宇訪碑錄
平津讀碑記通志金石記

柏梯寺碑

碑連額高三尺九寸廣一尺九寸二十七行行四十二字
分書標題及書撰人名六行共二十四字皆篆題碑額今
在虞鄉縣

唐栢梯寺之碑銘

前蒲州刺史徐彥伯文

處士安定胡輔之錄

直作調御於昭靈覺克崇四生不踐十號故能使慈風廣扇
道機冥立握生滅之巨權制色空之寶柄則□□而逾寂超
越於妄想之樊隱而不晦嬉翔於究竟之域然後六波橫濟
五行高駢穿棗葉而擲恒河擁蓮花而張世界至若昭明慧
苑赫切利之隅取勝真宮藹須彌之顯亦有耆闍之阜直對
王成僂居之巖俯窺羅柰則知大雄說瀦多在天上聲聞宴
坐或處林中豈不以寶洛嚴闥雄住持之境山龕石室定禪

誦之心乎栢梯寺者皆有趙生頭陀此峯伐栢為梯以升危
路爾其陁隰平坦井間雄赫漢武帝以草木為哥秦穆公以
兵車合戰鼎雲孤上鹽烟不絕厯桑浦以南棲蹠苓岑以東
憩踐礪石排峻崎磧礫焱駭穹崇雲撓夕崖倚天黯凝黛色
朝辟銜晷欬融月光羣木羅穴崩榛塞路若經魍魅之蹊更
甚莓苔之滑亦猶聞風三角平于斗杓削成千仞孤秀靈掌
矣非夫傲世者不能趨步以躡之非夫茹雲者不能攀覓以
巢之後魏有煙禪師如來左臂迦葉神足擺拂俗塵登睨茲
嶺開翦蓬棘趾斥狐狸葺構榱棟庇安經像而孤竈攢險盈
科掩閨檐壑則人迹幽懸挈壺則石梁危澁禪師然香作禮
默念了孤鼓弦三發崩泉膏涌曾窺為之潺湲潛匿所以瀆
涵林清曉咀腴香溢而添厨谷應中鍾狀涼潭而洗鉢雖前

穿銀鼓□綴金蓮不能過也豈至誠動神而永世作利乎後
有(玄)濟禪師以直心為淨土持戒為道場又有文操禪師以
三空為室宅四念為租稅並能繼崇輪煥廣輔髣髴揆尺調
繩素勞輪於倒景捫騰挽葛吸沆瀣於重霄未就厥庸倏焉
而化嗚乎可為長太息矣爰有禧法聚者中條懋族大昂純
精堅杵摧破於高山藥草蠲調於衆疾馬鳴菩薩戒律踰嚴
牛跡比圖威容甚肅嘗以為我初出世諸佛見身愛日舍寓
慈波洗物珠豪藻耀能仁坐兜率之天金粟焜煌瀟聚起優
填之願乃與上座諸法師等光昭唐業保乂真居行圓成果
心空無礙欽承紫詰之思不退黃山之勇明璣十斛盡擲
龍龕瓊橐千金即懸鸚樹中巖草木皆書半偈之言多寶幢
幢更涌全身之塔梁北澗壑東岑規其嶮嶂負其潭壑列金

稍之十重豎寶階之三道玉虬蟠扈玳席吞杠踈柱承景重
欄架月伏長檻而弄蛺蝶登高隅而聖風雨綠苔紅卉添曙
牖之丹青嘯枯吟篁助晴宵之姣樂八齋則仙御遶空六時
則曇花落樹應真飛錫初提刼石之衣羅漢持盂共飽香天
之飢寂歷焉虛徐焉人則法門之健將地則鑿王之別業矣
僉以為摺願成就莊嚴具足真說空說般若之勛大上生下
生樞紐之道治旁徵琬琰博訪文章濯瓶水於東山煦日光
於西壁靈龜負石科斗懸書則翕闢薰修上人不疲於戮力
而證明因果下走無媿於含毫其詞曰

芻蕘之左玉城之北山峙金剛墅橫檀特煜爚星盼英威佛
國茲邦對易地寶聯虞嬴授寶劒嫡深玉符磬涵劇斗峯峻
香鑪穹壑幽藹危屏窈窕竹冷難春松疏易曉石蹲為獸崖

飛作鳥經文豈架佛影千龕梯翦香栢弓穿淶潭城危隱柰
院密主菴界是安樂永無煩惱吉雨黏花香階閨草露點交
幘日含輪寶龍剎陰倚鳳堂確立檠柱徘徊攢櫺口香石墀
苔聚紗窻月入山王獻供法主開筵聞鐘洗鉢聽梵搥毬玉
柄朝構珠燈夜然欽咨分果緬求靈錄火劫應燒風輪自觸
帝臺之下王城之曲僊聖奔翔永扶金粟

開元六年十月六日扶

按碑題前蒲州刺史徐彥伯文處士安定胡輔之錄彥伯
唐書有傳神龍元年爲蒲州刺史而卒於開元二年碑刊
於六年故結銜署前蒲州刺史彥伯本名洪以字行史稱
其七歲能文觀是碑信博麗也虞鄉縣志石佛寺在縣西
南三里卽後周保定二年敕建之柏梯寺唐司空表聖有

百梯寺懷舊詩碑見金石文鈔通志金石記

任愛墓志

石高廣皆一尺五寸十六行行十八字行書今在汾陽縣小相里

大唐故翊衛任君墓誌銘

并序

詳夫犧軒構極龜瑞騰芳掌握所以摛宗繼體由其列氏侯
分西漢望建西河即其後也君諱愛字友仁汾州隰城人也
父恭驃騎大將軍臨濟縣開國男英聲一代封襲千年階籍
銘冠位叅龍翊望昇鴻漸希陟鸞選豈期梁委和松山摧嵒
玉春秋五十有三光宅元年十一月廿七日卒於家第前夫
人陳氏後夫人謝氏並德融婦禮夙預三從慈幹母儀忽歸
万化嗣子懷眷懷嗣並前翊衛兵部常選哀深冬笋望絕南
陔應仙鶴以䟽墳感祥禽而助壤開元六年歲次戊午十一

月辛卯朔十二日壬寅合葬於汾州東北三十里平原禮也
北望商巒東觀汾泊有慮舟田海變故勒斯銘云尔

瑤璋君子桃李佳人

字晚

珠暎代玉露晞晨柰何盛德蒿里沉

魂

按汾陽縣志志不列撰人名首行題唐故翊衛任君墓志
銘志稱君諱愛字友仁汾州隰城人父恭驃騎大將軍臨
濟縣開國男光宅元年十一月二十七日卒於家第夫人
陳氏謝氏嗣子懷春懷嗣並前翊衛兵部常選開元六年
十一月十二日合葬於汾州東北三十里平原新唐書百
官志左右衛等府有翊衛府翊衛正八品上四品孫五品
及上柱國子補任君父恭官驃騎大將軍在武散階爲從
一品任君蓋承父蔭得官者恭墓在郡城南有上元三年

碑階曰金紫光祿大夫爲文散階亦與志異唐董府君經

幢載府君官右神策軍襄樂防秋同正將兼押衙銀青光

祿大夫檢校太子詹事上柱國青浦王氏謂武兼文職唐

有此職爲六典諸書所未詳恭之結銜文武互用殆此類

以上節錄汾陽志校全唐文封敖授劉礎鄜坊節度使制礎以銀

青光祿大夫文散階檢校左散騎常侍文職事官兼左金吾大將

軍武職事官御史大夫文職事官此亦唐職兼文武之證諸家文集

累見不一恭蓋其類也其曰兵部常選者汾陽縣志宰相

世系表有兵部常選百官志吏部司勳凡酬功之等見任

前資常選日上資由是以例懷育懷嗣之兵部常選亦上

資也其云侯分西漢者漢有廣阿侯任敖汾州隰城唐地

理志西河漢美稷縣隋改隰城肅宗上元元年更名西河

志刻於開元故尚稱隰城謁泉山一名商山在縣北四十里文湖一名西河泊在縣東十里志云北望商巒東觀汾泊唐人文字結構之密可見銘珠字上落一字唐志往往有之又縣志道光己亥六月下堡村北雨後谿水漫流得茲刻於野田中任右章明經言豫嵌諸祠壁碑見通志金石記

王脩福墓志

石縱橫皆一尺四寸八分二十五行行二十五字正書今藏洪洞縣董觀察家

大唐故嶽嶺軍副使王府君墓誌銘并序

君諱脩福字脩福其先太原人因官今為晉人矣晉者孟津口駕武王創鄴鎬之源少海承華太子錫神仙之箴其有五侯貴戚盛鍾鼎於西京百戰將軍布金錢於北洛自茲厥後

冠蓋相望曾祖遷隨潞州司馬毗隼旗而建職祖忻唐鄭州
別駕乘鶴蓋以臨人父朗明經擢第韋賢之弃簾金桓榮之
拾地芥君汾水敵雲之氣姑山凝雪之精豫樟七年鬱起磨
霄之幹驂驅千里早申驥影之功暨乎成立之年有敏捷之
致廼學騎射妙絕時人宿衛滿授慶州永業府右果毅五拔
斯臨六韜彼寄應舉及第轉岐州洛邑府左果毅先天元年
御史大夫李傑奏稱清謹過人授本府折衝地稱右輔川枕
滎亭致果一時折衝千里

勅与緋及魚袋之州嶽嶺
軍副使荆軻殉節之地歌易水而不還簡子秘符之口臨代
川而有喻君鎮守北嶽坐免南侵實賴副軍廓清邊朔方欲
揮戈駐日却從三捨之遊何曷隙影不留俄迫九泉之路開
元四年五月十二日終定州之館舍春秋五十有五夫人侯

氏簾惟香歇遂罷朝粧鏡室塵昏方沈夜月即開元九年十一月三日歸合葬於晉州城東南三里之原礼也君出忠入孝既文且武龍泉失鏑摧五色於赤山驪穴沉輝碎千金於紫貝佳城有夜泉路無春人生既然天道何說仲子右領軍衛翊衛景珍季子翊衛景陽痛深吹棘悲纏集慕思岡極之難報恨頽光之易收忠地變高深代移今古爰題片石故勒其銘

漢稱右輔舜宗北嶽從官遷改運籌惟幄食萊攸終威行邊

朔

其

惟君之生早歲飛聲忠以報主孝以揚名立身垂範為

代之英

其

彼美夫人作嬪君子始穆家室頽裴桃李婦德伊

何傳之女史

其

郭門直視慘然改容霜獵宿草風捎古松人

歸玄夜冥冥何從

按臨汾續志道光年城內姜家池夜有異光土人掘之得此石未詳撰書人姓名今存洪洞董宅通志金石記志云因官今爲晉人者唐晉州治臨汾縣也曾祖暹隨潞州司馬祖忻唐鄭州別駕父朗明經擢第隋時碑碣隨隋並見唐人尤不拘今此碑正書爲隨也又云君成立之年學騎射入宿衛滿授慶州永業府右果毅應舉及第轉岐州洛邑府左果毅先天元年御史大夫李傑奏稱清謹過人授本府折衝敕與緋及魚袋定州嶽嶺軍副使唐制兵部尚書選驍勇材藝可爲統領者拔其尤令宿衛每日隨仗下隸左右監門衛又武后長安二年始置武舉有長垛馬射馬槍翹關負重之選能者皆爲中第並見通典新唐書兵志太宗貞觀十年更號統軍爲折衝都尉別將爲果毅都

尉凡天下十道置府六百三十四皆以隸諸衛凡府三等
兵千二百人爲上千人爲中八百人爲下府置折衝都尉
一人左右果毅都尉各一人若蓋以武勇選爲衛士考滿
授官出爲中下府果毅都尉中武舉選任上府又以薦進
秩折衝都尉及軍使也地理志鳳翔府上輔本岐州有府
十三其四爲洛邑慶州中都督府有府八其六爲永業皆
與志合惟定州有義武北平二軍而無嶽嶺百官志諸軍
各置使一人五千人以上有副使刺史領使則置副使亦
不詳副使何階按唐節度諸使副使
如今差遣無階品唐六典軍置使一人
其橫海高陽唐興恒陽北平五軍皆本州刺史爲使恒陽
卽曲陽也元和志定州恒陽縣北平軍在州西三里北平
軍旣係之恒陽縣不應又別有恒陽軍疑卽嶽嶺軍以在

恒陽故當時稱爲恒陽軍耳君以開元四年五月終春秋
五十有五則當生龍朔二年其服官多在武周時志銘皆
清麗可頌而書法尤道美有北海丰神近年出土諸志皆
不及也按金石記釋此志甚詳備而文過繁今節之志云
先天元年御史大夫李傑奏授本府折衝校李傑代宋璟
爲御史大夫在開元三年非先天元年似不相合然唐書
傑傳神龍年傑爲河東道巡察使有奏薦之責所云
御史大夫某者作志之時以後官加之亦金石文常有之
事似不得疑爲兩人金石記遷就其詞終嫌未核志又云
仲子右領軍翊衛景珍季子翊衛景陽百官志左右衛翊
衛之府二一日翊一府二日翊二府翊衛正八品上四品
孫五品及上柱國子補翊衛修福官折衝都尉四品階其

子補翊衛宜矣又岐州至德升鳳翊府此碑立開元故稱
岐州簾帷之帷作惟字誤

山右石刻叢編卷五